



Infurmaziuns dalla suprastanza digl cumejn Albula/Alvra:

Fanadour / avost 2019

- La suprastanza ò approvo diversas dumondas da biagier.
- Per l'examinaziun geologica davart la pussebladad dad ava da fons aint igl territori da Plang Siz, Brienz/Brinzauls, è nia approvo en credit brut da CHF 10'800.00. L'examinaziun è neida surdada all'interpresa Techgea S.r.l., Torino.
- La suprastanza ò approvo igls rendachints annuals 2018 dall'unìun d'interess ARA Albula e piglia cunaschientscha digl rapport annual 2018.
- Igl preventiv per igl onn da scola 2019/2020 digl consorzi da scola Belfort davains e digl consorzi da scola scalem superiour, è nia examinò ed approvo.
- An connex cun la conclusiun dalla sanaziun dalla veia a Stierva, èn nias examinò ed approvos igls contracts necessaris da compra e da barats.
- Per ramplazzar ena cabina da spartiziun antras ena cabina da distribuziun segl territori dalla «Veia da Mon / Punt Lenn», a Casti, è nia delibero en credit an import da CHF 10'500.00. L'incumbensa è neida surdada alla firma F. Borner AG, Reiden.
- Igl rendachint annual 2018 digl cumejn Albula/Alvra è nia approvo dalla suprastanza per mang dalla proxima radunanza communal. Igl rapport dalla cumischung da gestiun e digl post da revisiun extern èn nias piglias per cunaschientscha.
- La suprastanza ò piglia per cunaschientscha digl rapport final davart igl «Svilup digl project tgira d'unfants Val Alvra». Ena cumischung tgi ò anc da neir constitueida, duess sclareir ulteriouras dumondas anc avertas.
- Igl mandat da prestaziun (concept) dalla «Lavour averta per la giuventetna dalla Val Alvra», è nia examinò detagledamaintg ed approvo, risguardond singulas adattaziuns/cumplettaziuns.
- Per ramplazzar la punt da lenn, agl ost dalla veia d'access alla ruigna da Belfort, ò la suprastanza approvo en credit an import da CHF 49'000.00. Las lavours vignan exequeidas digl menaschi forestal e luvratori communal Albula.
- La suprastanza ò piglia cunaschientscha digl rapport e digl rendachint annual digl menaschi forestal e luvratori communal Albula.
- Per drenar la «Veia Sessom» a Mon, ò la suprastanza approvo en credit an import da CHF 35'000.00. Las lavours vignan exequeidas dall'interpresa da construcziun Ardüser SA, Alvagni vischnanca.

- La suprastanza ò approvo en credit brut da CHF 44'000.00 per projectar la veia da viandar Surava – Solas. Per elaborar igl preproject (fasa 1) è nia delibero en import da CHF 9'000.00. Igl preproject vign preschento alla populaziun a taimp inditgia.
- La suprastanza ò incumbenso la ProAct Executive Management SA, Berna, da far en studi parzial davart igl «Basigns per en abitar assistia». Per chel studi è nia delibero en credit da CHF 11'000.00.
- Igl preventiv digl consorzi da scola Val Alvra dafora per igl onn da scola 2019/2020 è nia approvo dalla suprastanza.
- Segl territori dalla pastgira dall'Alp da la Creusch, segl territori «Rosnas digl Guert», è planiso en tagl da lenna. Per finanztgier igl tagl da lenna (costs restants), ò la suprastanza communal approvo en credit an import da CHF 7'200.00.
- Per projectar la dislocaziun dalla veia ed igl nov trassé dalla lengia d'ava cumprimeida aint igl territori digl our dalla bova a Brienz/Brinzauls-Vasarauls, ò la suprastanza delibero en credit brut an import da CHF 16'000.00.

Infurmaziuns dalla radunanza communal digls 19 da fanadour 2019

- Igl votants on approvo la revisiun parziala davart la lescha da votaziun ed elecziun digl cumegn Albula/Alvra. Agl avigneir vign exponeida (angal) en'urna ainten la tgesa communal a Casti. Las radunanzas communalas on li agl avigneir (per regla) a Casti.
- Per sanar la «Voia Pro la Fiera» ad Alvagni vischnanca, on igls votants delibero en credit brut an import da CHF 390'000.00.
- La radunanza communal ò accepto la revisiun parziala dalla planisaziun locala a «Solas». Cun l'approvaziun dalla revisiun parziala dalla planisaziun locala, tgi sa referescha ad en project, vignan statueidas las premissas per la planisaziun d'utilisaziun dalla punt pendent scu er digls adievers da mantel turistics aint igl territori da Solas.
- Per cuntinuar ed optimar la survegliaziun da preavertimaint dalla bova da Brienz/Brinzauls, perioda mez 2019 anfignen 2024, on igls votants delibero en credit brut da CHF 940'000.00. Siva dalla reducziun da terzas persungas restan agl cumegn Albula/Alvra costs da radond 10 %.
- La radunanza communal ò approvo en credit brut da CHF 300'000.00 per la sanaziun dalla «Veia Purgiera» a Stierva.